

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» հոկտեմբերի 2014թ.

N ----Ա

ՈՐՈՇՈՒՄ

**ԼԵՎՈՆ ԳՐԻԳՈՐԻ ԱՐՈՆՅԱՆԻՆ
«ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ» ԿՈՉՈՒՄ ՇՆՈՐՀԵԼՈՒ ՄԱՍԻՆ**

Ղեկավարվելով «Երևան քաղաքում տեղական ինքնակառավարման մասին» Հայաստանի Հանրապետության օրենքի 12-րդ հոդվածի 1-ին մասի 35-րդ կետի դրույթներով և հիմք ընդունելով Երևանի քաղաքապետի առաջարկությունը.

Երևան քաղաքի ավագանին որոշում է.

Երևան քաղաքի 2796-րդ տարեդարձի առթիվ, շախմատի բնագավառում ունեցած մեծ վաստակի, ներդրած նշանակալի ավանդի և շախմատի զարգացումը խթանելու համար միջազգային գրոսմայստեր, հանրահայտ շախմատիստ Լևոն Գրիգորի Արոնյանին շնորհել «Երևանի պատվավոր քաղաքացի» կոչում:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ԼԵՎՈՆ ԳՐԻԳՈՐԻ ԱՐՈՆՅԱՆԻՆ «ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ» ԿՈՉՈՒՄ ՇՆՈՐՀԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ՎԵՐԱԲԵՐՅԱԼ

Լևոն Գրիգորի Արոնյանը ծնվել է **1982** թվականի հոկտեմբերի **6**-ին Երևանում:

Հանրահայտ շախմատիստ Լևոն Արոնյանը **1994** թվականին Սեզեդ քաղաքում դարձել է մինչև **12** տարեկանների աշխարհի չեմպիոն, որի համար նրան շնորհվել է ՖԻԴԵ-ի վարպետի կոչում:

1995 թվականին Փարիզում Լ. Արոնյանը հաղթել է մինչև **14** տարեկանների արագ շախմատի աշխարհի առաջնությունում: Այնուհետև, **1996** թվականին հաղթել է Իսպանիայում կայացած մինչև **14** տարեկանների աշխարհի առաջնությունում, նույն թվականին դարձել է միջազգային վարպետ:

1997 թվականին նա նվաճել է Կասպարովի գավաթը:

1999 թվականին Լ. Արոնյանը դարձել է Հայաստանի փոխչեմպիոն և ընդգրկվել է Հայաստանի հավաքականի կազմում, որը Բաթումում դարձել է Եվրոպայի չեմպիոն:

2000 թվականին հանրահայտ շախմատիստ Լևոն Գրիգորի Արոնյանին շնորհվել է գրոսմայստերի կոչում:

2001 թվականին Հայաստանում, այնուհետև՝ **2002** թ.-ին՝ Հնդկաստանում Լ. Արոնյանը նվաճել է մինչև **20** տարեկանների աշխարհի չեմպիոնի կոչումը:

2004 թվականին Իտալիա Կալվիա քաղաքում կայացած համաշխարհային օլիմպիադայում Հայաստանի հավաքականի կազմում նա նվաճել է թիմային բրոնզե մեդալ:

2005 թվականին հայ գրոսմայստեր Լևոն Արոնյանը Խանտի Մանսիյսկում նվաճել է ՖԻԴԵ-ի աշխարհի գավաթը:

2006 թվականին Վլադիմիր Հակոբյանի, Կարեն Ասրյանի, Սմբատ Լպուտյանի, Գաբրիել Սարգսյանի և Արտաշես Մինասյանի հետ Լ. Արոնյանը դարձել է Թուրինի **37**-րդ համաշխարհային օլիմպիադայի հաղթող: Գերմանիայի Մայնց քաղաքում Լ. Արոնյանը նվաճել է «Շախմատ-960» -ի /Ֆիշերի շախմատ/ աշխարհի չեմպիոնի կոչումը:

2008 թվականին Վեյկ ան Ջեի ավանդական մրցաշարում Լ. Արոնյանը լրացուցիչ ցուցանիշներով ճանաչվել է հաղթող:

Ֆրանսիայի Նիցցա քաղաքում կայացած «կույր» և արագ շախմատի ավանդական մրցաշարում ճանաչվել է հաղթող և հռչակվել ամբողջ մրցաշարի բացարձակ հաղթող: Նույն թվականին Հայաստանի հավաքականը Դրեզդենում դարձել է **38**-րդ համաշխարհային օլիմպիադայի չեմպիոն:

2010 թվականին Լևոն Արոնյանը Մոսկվայում դարձել է Միխայիլ Տալի հուշամրցաշարի հաղթող, այնուհետև՝ դարձել է կայծակնային շախմատի աշխարհի չեմպիոն:

2011 թվականին Չինաստանի Նինբո քաղաքում Հայաստանի հավաքականի կազմում Լևոն Արոնյանը դարձել է աշխարհի թիմային առաջնության հաղթող:

2012 թվականին Լ. Արոնյանը իր թիմակիցների հետ միասին երրորդ անգամ հաղթել է համաշխարհային օլիմպիադայում:

2013 թվականին Լ. Արոնյանը մասնակցել աշխարհի չեմպիոն Ալեքսանդր Ալյոխինի հուշամրցաշարին և լրացուցիչ ցուցանիշներով ճանաչվել է հաղթող:

2014 թվականին Ցյուրիխում մասնակցել է **23**-րդ կարգի գերմրցաշարին, որտեղ նա դասական շախմատում զբաղեցրել է **2**-րդ տեղը, արագ շախմատում՝ **3**-րդ: Այդ մրցաշարում հայ գրոսմայստեր Լ. Արոնյանը իր անհատական վարկանիշը հասցրել է իր համար ռեկորդային **2830** ցուցանիշի:

Հայ անվանի շախմատիստ, գրոսմայստեր Լևոն Արոնյանը պարգևատրվել է «Մովսես Խորենացի» /**2006**թ./, «Հայրենիքին մատուցած ծառայությունների համար» **1**-ին աստիճանի մեդալներով /**2008**թ./, «Սուրբ Մեսրոպ Մաշտոց» շքանշանով /**2012**թ./ և «Երևան» զինանշան հուշամեդալով:

2014 թվականի սեպտեմբրի **1**-ի դրությամբ անհատական վարկանիշով Լևոն Գրիգորի Արոնյանը աշխարհի **2**-րդ շախմատիստն է:

Ելնելով վերոգրյալից և հաշվի առնելով հայ շախմատիստ, գրոսմայստեր, **2005** թվականի աշխարհի գավաթակիր, Հայաստանի հավաքականի կազմում **37**-րդ, **38**-րդ և **40**-րդ համաշխարհային օլիմպիադաների հաղթող, Վեյկ ան Զեի մրցաշարի քառակի հաղթող, **2009** թվականի արագ շախմատի աշխարհի չեմպիոն Լևոն Գրիգորի Արոնյանի շախմատի բնագավառում ունեցած մեծ վաստակը և ներդրած նշանակալի ավանդը՝ առաջարկվում է Լևոն Արոնյանին շնորհել «Երևան քաղաքի պատվավոր քաղաքացի» կոչում և Երևան քաղաքի ավագանու քննարկմանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ

ՏԵՂԵԿԱՆՔ

**«ԼԵՎՈՆ ԳՐԻԳՈՐԻ ԱՐՈՆՅԱՆԻՆ «ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ»
ԿՈՉՈՒՄ ՇՆՈՐՀԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ՎԵՐԱԲԵՐՑԱԼ ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ
ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ԿԱՄ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Լևոն Գրիգորի Արոնյանին «Երևանի պատվավոր քաղաքացի» կոչում շնորհելու մասին»
Երևանի ավագանու որոշման նախագծի ընդունման կապակցությամբ այլ իրավական ակտերում
լրացումներ և/կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

**«ԼԵՎՈՆ ԳՐԻԳՈՐԻ ԱՐՈՆՅԱՆԻՆ «ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ»
ԿՈՉՈՒՄ ՇՆՈՐՀԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ
ԸՆԴՈՒՆՄԱՆ ՎԵՐԱԲԵՐՑԱԼ ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ
ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ԿԱՄ ՓՈՓՈԽՈՒԹՅՈՒՆՆԵՐ
ԿԱՏԱՐԵԼՈՒ ՄԱՍԻՆ**

«Լևոն Գրիգորի Արոնյանին «Երևանի պատվավոր քաղաքացի» կոչում շնորհելու մասին»
Երևանի ավագանու որոշման նախագծի ընդունման կապակցությամբ Երևանի բյուջեում լրացումներ
եվ/կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Տ.ՄԱՐԳԱՐՅԱՆ